

貴州通志

一

貴州通志

貴州通志複制說明

清康熙時纂修『貴州通志』，計有二次。第

一次在康熙十二（公元一六七三）年，為貴州

巡撫曹申吉所主修，主撰者為潘嗣、吳中蕃，

可稱為『曹本』，道光修『貴陽府志』及民國

修『貴州通志』均稱本書為『康熙前貴州通志

』。第二次在康熙三十一（公元一六九二）年

及三十六（公元一六九七）年，主修者為貴州

先後兩任巡撫衛既齊、閻興邦，點訂者為貴陽

府舉人吳中蕃、李祺。本書先由巡撫衛既齊主

修，計三十六卷，書成於康熙三十一（公元一

六九二）年，道光修『貴陽府志』及民國修『

貴州通志』均稱本書為『康熙後貴州通志』，

迄今未見。次年，即康熙三十二（公元一六九

三）年，閻興邦繼任巡撫後，『以既齊志有未

備，依其三十六卷之本逐條增輯，皆以『閻梅

公曰』別之〔三〕，梅公，其字也，又別立雜記，……

〔三〕為一卷，連前共三十七卷，書成於康

熙三十六（公元一六九七）年，可稱為『衛、

閻本』，道光修『貴陽府志』及民國修『貴州

通志』均稱本書為『康熙新補貴州通志』。

現在複制的是『衛、閻本』，一至三十卷係

據上海圖書館藏原刻本，三十一至三十七卷係據南京圖書館藏原刻本，前者有部份篇頁是鈔配的，且缺范承勳、衛既齊、閻興邦、華章志序，此四序已據貴州省博物館藏原刻本補入。後者第三十七卷首頁一行及各頁折縫處之「七」字全被挖補，以致成為第三十卷，經查與目錄所列不合，複制時已還原為第三十七卷。在複制時，對部份模糊不清之字，均據有關方面的藏本補入，並作校正。凡經校改之字，列入附錄一「校字表」中；原刻本中有部份錯誤字，係在印後校出，未及在刻寫時糾正，現

列入附錄二。勘誤表內，一併裝入書末，以供參考。閻興邦序原刻本係在衛既齊序後，現移置於前。複制本在格式或字句上，如有不够妥善之處，請讀者提出意見。

承上海圖書館、南京圖書館、貴州省博物館熱情支持，借給藏本，謹此致謝。

貴州省圖書館 一九六五年元月

〔一〕 除以「閻梅公曰」加註評語外，所增成篇之文，還以「補」字別之。

〔二〕 見道光修「貴陽府志」卷五十第二十葉。

新補貴州通志序

志之大原起於爾雅司馬遷曰書班固曰志後
世相承沿而不易江文通有言作史之難無出
於志所以陳壽范曄之徒皆不敢為志予以為
志難矣而為黔志尤難諸省自秦漢以來分疆
畫址久隸職方黔則設自明初割楚粵川滇之
剩地則星野難齊也諸省名山大川各有紀載
黔則牂柯九隆而外山不列於益記水不注於
桑經其他樂史寰宇布先方域卷帙浩繁於黔
獨畧則典籍難稽也諸省建官置牧歷年已久

黔雖通於莊躋鑿於唐蒙而由隋迄宋半屬羈
縻官無循卓士號天荒元明以後畧載數人則
政治難詳也西南諸省亦雜苗獞然皆十之二
三耳惟黔十一府皆苗多民少椎髻侏儒半不
通語言文字則風俗難同也十一郡之中為衛
所三十一為長官司八十二為土舍丞同巡檢
三十近雖改縣設流非一而舊冊已湮新圖未
訂則戶版難查也積此五難遂成三惑夜郎與
遵義同疆興古與曲靖錯壤為梁為益分軫分
參則惑於地且蘭遙隔於番禺紫池沿瀆於貴

縣舞無音滄充充字異則惑於書晉置寧州何以刺史不蒞黔土唐增採訪何以牂彝別屬劍南則惑於官黔志豈易為哉

聖朝聲教四訖溥海以外皆入版圖矧黔在十五國之中雖去京師八千里其地則

天子之地其民則

天子之民其政則

天子月吉之所頒其治則

天子歲終之所考庠序有光則取士增於舊額逋逃授首則苗頑格於舞干凡此皆可播之筦絃列

之雅頌以傳世而行遠者也予撫黔以來五載
於茲念田野之未盡闢憂在民生念異類之未
盡馴憂在境土或未雨而綢繆或先時而補救
負一方之重寄今幸

天子之文德武功風翔雲合而黔之黎庶皆已集林
而改音扶杖而觀化使不分載之於成書薈而
存之將古所謂土地之圖人民之教以佐王擾
邦國者又何以稱焉黔志創始於明嘉靖督學
謝公後修於中丞劉公暨江公今已失傳惟青
螺郭公黔記廬有存者然其所載每詳於近代

而畧於遠古故黔事尚有缺軼我

皇上御極之十一年爰

命儒臣纂修一統志至次年而貴州通志亦次第
編集奈書甫成即遭叛逆遂爾散失是志也前
撫猗氏衛公之所修者也始於三十一年之正
月而告成於是年之十月其用志固勤而為期
則促予閱之非獨三十二年以後事當補入即
此三十六卷山川其有定也而遺者十之三古
蹟其共傳也而逸者十之五職官不詳其歲月
選舉僅記其姓名耳目之近尚多放失予意欲

重修而每歎文獻之無徵又慮鳩工之不易因
取各條畧加論定可增者增之不能增者姑仍
其舊非敢謂有功於前人亦使後之觀者以備
參考云爾若夫作志之難古今同慨彼班氏之
著述尚以詳於浮言畧於事實取譏於夾漈矧
予也三長莫具七畧罔窺乃欲於時日之近網
羅千載之文搜採遐荒之事其為難也十百於
前人然不辭其難者蓋以揚

天子之盛治欲垂之億萬斯年也

皇清康熙三十六年歲次丁丑孟冬月穀旦

巡撫貴州兼理湖北川東等處地方提督軍務
都察院右副都御史加五級閻興邦撰



陸
序

四

貴州通志序

余奉

命總制滇黔七載於茲矣興釐之暇每念兩省之疆
域山川人文風俗不可無紀二十九年冬特疏
請修滇志仰奉

俞旨因思次第及黔會有金江之巡未遑及也撫軍
衛公蒞黔下車未久百廢俱興舉瘡痍之民而
登諸衽席進草野之士而澤以詩書退食之餘
孜孜以纂修黔志為務藩臬諸君咸有同心乃
為開局延儒廣稽博採或求遺編於灰燼之餘

或訪傳聞於父老之口甫半載而功竣適余以
會勘之役下黔公餘覽勝談及風土爰出志稿
索序余披閱一過因悉其全省建置之由歷朝
治亂之迹以及星野形勢山川土田城郭宮室
戶口阨塞宦賢人物禮樂兵農瞭如指掌凡三
十六卷黔志遂有成書矣因思黔雖天末遐荒
計其財賦不足以當中州一大郡然其士風之
淳樸民俗之近古猶有足多者焉今幸

聖天子在御輕徭薄賦選用良吏凡山陬海澨之民
莫不含哺鼓腹熙熙皞皞於堯天舜日之下自

茲以往將見黔之戶口日增人文日盛與中州
比隆政未可量又曷可以荒服少之哉夫纂修
黔志余之夙心也今撫軍諸司有以成之余得
樂觀其盛而為之序

皇清康熙三十一年歲次壬申孟冬月穀旦

總督雲南貴州等處地方軍務兼理糧餉兵部
右侍郎兼都察院右副都御史加三級潘陽范
承勳撰



重修貴州通志序

國有史省有志人臣受一方之寄民生物命係焉苟不知其谿山之險夷土田之饒瘠人物之繁耗習尚之淳澆興夫興革損益之由治亂得失之故即欲興道起化整敝扶衰亦何以措之虞膜見而後鍼砭可投灘湍熟而後舟楫可濟雖有聖智莫或易也蕭何入關先收圖籍因知天下阨塞馬文淵聚米為山隴蜀以平朱晦菴所至訪求文獻以輯志乘前者後之師古者今之鑑也我

皇上聖德神功並包六合海隅日出罔不率俾地過
日月之表為章亥之所難窮爰

命禮臣纂修一統志貴州之志修於康熙十二年
中更叛亂散佚無存余下車再四搜求僅得抄本
數冊字漫漶不可讀慨然曰若此不修同於無
志也况裁定以來又逾一紀

皇仁益暢改衛設縣增學蠲租善政

新綸美不勝述尤不可以不紀乃多方訪購得郭青
螺先生黔記一書青螺撫黔十載政修績著纂

輯是書尤屬殫心信而可徵惜亦殘缺八卷有

奇遂僉詢布政司董君按察司丹君交推貴東
道陸君董其事延老成積學之士各視所長分
任星野輿圖農田戶口山川形勝貢賦物產風
俗學校兵防武備等志余獨於名宦鄉賢二者
親為考校見夫通志多畧黔記多詳余則微長
片善必謹志之有寧失之詳者蓋以貴州之名
宦鄉賢非他省可比也貴州獲隸版圖才數百
年楚之莊躋漢之唐蒙鑿道經由不可謂官元
明以來建官稍繁於前又皆拓土開疆止有戰
功可紀至明中葉官乃稱備顧以地處荒徼苗

碩難馴筮仕得此方甄多瑟縮不前有能震厲
風裁以功業自表見者可不謂之賢豪乎故余
重嘉嘆之以見人臣立功報國無分近遠皆足
不朽而况際

今日規模無外之極盛文教武功照耀人寰者哉
天下之鄉賢衆矣循名覈實豈容漫膺而或因
氏族之貴顯或因誌詔之粉飾濫竽其間者有
之貴州風猶近古務質樸恥誇詐雖有碩德懿
行恆隱而不揚加以數罹兵燹文獻落落耳目
覩記勢難廣遠至有子若孫不能舉其祖父名


字官爵者其間所登不過存什一於千百尚有掛漏之嘆矧可見而不收收而不詳乎此余所以尤至謹也余何敢比於前人但因此覽風土察形勢思民苗之雜揉覩生聚之艱難一一皆於已試之效求之庶知所以仰布

皇仁綏靖邊裔以報稱

簡任隆恩於萬一已爾志修於康熙三十一年正月告成於是年十月其書三十六卷舉其梗概而為之序

皇清康熙三十一年歲次壬申孟冬月穀旦

巡撫貴州兼理湖北川東等處地方提督軍務
都察院右副都御史衛既齊謨



重修貴州通志序

粵稽禹貢一書成于九州既定之後以紀夫山川土田物產貢賦之不同而又鑄為九鼎以象物使民知神姦不違不若周禮邦國之志掌于

小史四方之志掌于外史此紀載志乘之所由來也余幼讀龍門之書漢武元鼎六年置牂柯犍為越巂夜郎四郡以為益州宋元而來始置貴州即梁益荆楚之分也余初筮仕得楚之靖州在黔東歷宦司蜀臬在黔西北皆與之隣遂稍習其風土大抵山叢蠻雜地確民貧加以寇

亂相尋凋劫尤甚辛未秋忝備黔藩由夜郎渡
牂柯江見夫萬山戟列百里烟微厥土黑墳田
皆下下途間所值率皆烏言卉服鵠面鳩形之
倫視事後披覽版籍賦不過銀七萬兩米九萬
八千九百餘石口壹萬六千六百八十有奇其
幅幘風土可謂荒且陋矣恭逢我

皇上深仁厚澤三十餘年武功耆定之餘休養生息
鳩澤中而安集之浸浸乎戶口增流離復儼然

滇楚間一都會邇年來

重文教誕敷黔人士濯磨砥礪炳然可觀間有潛修

績學隱岩穴甘貧約以束躬敦行者下及苗蠻
婦女亦知節烈卓卓可稱道于是嘆人之不為
地限採風者不可以其荒陋而忽也適

大中丞衛公來撫是邦虛中折節相與講求治道

孜孜不少倦念通志一書修于康熙十二年未
及通行遭變版盡燬署中僅遺抄本又多殘缺
舛訛不足以資考據垂永久也乃命余開局延
儒分類授簡以大叅陸公董其事又自為裁訂
惟詳惟覈自春徂冬八閱月而報成余受而讀
之舉方輿象緯賦役兵防名宦先後之政績鄉

賢流寓之文章與夫死事之忠勤孤嫠之貞操
莫不釐然大備方修輯之初殘篇斷簡茫無可
依據余竊憂之踰月購得郭青螺黔記若干卷
魚魯亥亥始有所折衷續購通省郡志邑志其
舊有志者十才二三咸取而釐輯之其舊未有
志者亦爭自蒐輯手錄成帙以佐見聞所未逮
因得補十二年後之事為全書並前志所遺漏
者亦加詳焉非敢謂修明之功可軼前人而竭
上下之心力集遠近之耳目務使荒陋之域文

獻可徵以對揚

聖天子休明之治而已矣雖然網羅舊聞以傳信者
外史小史之遺意也率作興事而不託諸空言
者岳牧守令之責也今黔田多石而維草其宅
土多瘠而舟楫不通苗多獷而反側不常何道
而使汙萊盡闢商賈熙穰桴鼓不鳴狂獠成俗
當亦備官茲土者所加意而綢繆也余敢不勉
乎哉故于是書之成序其畧于簡端

皇清康熙三十一年歲次壬申孟冬月穀旦

貴州等處承宣布政使司布政使加三級董安

國謹序



重修貴州通志序

志何昉乎蓋古陽秋史乘之遺備輜軒所採訪
不可或廢者也黔介荒服環以苗頑部落一綫
唐蒙所通道尺寸皆山地磽确終歲丁賦所入
不足供文武庶寮吏卒之經費猶仰給金錢于
外省我

國家武功戡定征焉乃拓水西平即出殲叛藩屢
勤師旅擴清攘奠於是黔中形勢把粵蜀之臂
而扼楚滇之吭居然為西南一重鎮矣矧自
皇上文德漸摩洋溢中外者三十餘年聖神功化之

極古來聲教所未及也爰

命廷臣纂輯大一統志直省通志無不畢修用資簪
筆之旁羅黔雖邊壤乎際大和會之辰典章文
物闕焉不備凡忝茲土者能不嗤于奔陋哉

大中丞銜公撫治黔疆勵羔羊素絲之節率蕩平
正直之道治未幾而邇懷遠格政通人和公餘
摛訪遺乘或言先明沈龍二君所撰著久散佚
矣萬曆中郭青螺先生黔記猶有存者

中丞購而讀之謂其經濟文章卓然史策即平播
餘閒裒集數十帙勒成一家之言當茲文獻無

徵而省志不備是余之責也夫會

制府范公滇志告竣

中丞喟而起曰滇黔均邊地也滇志先而黔志詎
容後維時廣川方伯開局延儒為之經理其事
大叅陸公條分縷晰增刪脫稿而折衷於

大中丞以鑒定之凡八閱月而奏成禮受而讀之
於圖輿見扼塞固圉之要焉于星野識賢聚使
臨之象焉於沿革辨分隸合建之宜焉於疆域
審門戶衣衾之戒焉於山川窺扶輿磅礴之奇
焉以言風俗則喬野而漸趨於文明也以言城

池則高深而不衍于設險也以言戶口則休養
而佇進於林總也以言田賦則斂薄而覃惠於
民足也以言物產則方物而要歸於底慎也治
有純雜志職官而賢否於茲著矣民嗟鴻雁紀
公署而垣堵於茲惕矣士譏城闕紀學校而俊
造於茲升矣材不擇地紀選舉而天荒於茲闕
矣禮維崇報紀祠祀而功德于茲昭矣往哲冠
劍有藏也詳丘墓而勿淪蔓草昔賢銅鼓有遺
也詳古蹟而永懷典型與人子弟有歌也詳名
宦而競美甘棠辛陽濟美有里也紀人物而恒

多毓秀瑯琊友愛有方也記孝義而竹汗流青
中壘箴規有傳也記烈女而巾幗生色他如流
寓則播詩辭於殊域倡道學於荒徼者有之隱
逸則盟林壑而肥遯耽泉石以葆光者有之僊
釋則假宇宙以留神托竺曇而遜國者有之方
伎則效薄藝於卜筮試神靈於藥市者有之事
記則天時地氣之或殊吏治民風之互異師武
臣之簡閱網繆不可不精嚴也兵戎其可息歟
羣彝長之羈縻約束不可不寬大也土司其可
苛歟卒讀藝文而高文典冊爛於斯經國籌邊

備于斯登高遇物陶泳於斯遠望長歌慷慨於
斯美矣善矣堂哉皇哉昌黎云莫為之前雖美
勿彰莫為之後雖感勿繼黔志之前有郭青螺
後有今

中丞非曠世而相感者哉禮浮沉閩魯巡歷興寧

辛未冬量移黔臬心惴惴焉仰體我

皇上刑期無刑之意以弼教典會黔省通志成而不
祭有感也嗟乎事有待而易其所難以歸于不
廢者

聖世溥樂利于無疆遂使椎巖刻木之倫盡登紀事

鴻篇而永觀厥成也三苗昔稱不易即叙者而
今咸即叙矣嗣是以往沐浴于

堯舜之仁壽岳牧載采以率羣僚侔師龔黃卓魯讓
農桑而胥教誨戶有可封之俗人多方穀之徵
庶事康而八蜡通椎髻化而衣裳威誰謂邊陲
文物不足與中原相頡頏哉禮竊幸德化之盛
踊躍志成謹拜頤數言以為嚆矢

皇清康熙三十一年歲次壬申孟冬月穀旦

貴州等處提刑按察使司按察使丹達禮謹序



重修貴州通志序

疆域有大小治道有難易世之談者於秦楚吳越齊晉諸邦莫不曰地大難治也至於黔獨易視之夫黔豈易治者哉廣袤千里苗居其七民居其三有恆產而稱土著者鮮矣脫遇水旱災荒則相率而去其鄉故招集難也峻岷崇山草木黃萎舟楫罕達荆榛塞途魚鹽之利弗興商賈之足不至故生殖難也土官世其爵而不供其職蠻獠據其險而施毒於民夫官不供職官亦苗也苗而毒民苗即盜也習俗移人四維不

張於是民之弗馴者猥薄而善訟士之躍冶者
不務非之相與效之故教化難也然則黔終不
可治與惟在操之有本末而行之有次第耳施
取其厚歛從其薄地力既殫家有蓋藏而又不
苦於虐吏奸胥之掊克詩有之適彼樂土如是
則黔誠樂土矣雖驅之使去弗可得也於是教
之以積貯通之以貿遷制其令不違其俗勤其
政不拂其情民有資矣彼夫學校詩書之所以
為教冠婚祭祀喪葬之所以為禮甲兵律令之
所以為威不既肆然有具乎有以範士於禮而

後民知惕於刑有以惕民於刑而後苗彝不敢
奸於法有以勸懲乎羣吏而後土官之世其爵
者知朝廷之尊而不敢不盡乎職如是微論黔
之得與秦楚吳越齊晉諸邦埒也進而媿美隆
古誰曰不可我

皇上總文武以為弛張合遠適而無忘泄梯航畢至
聲教覃敷而於用人尤所加意既

命總制范公綜治滇黔綱舉目張民懷吏畏沐浴膏
澤者七年矣又

命大中丞衛公來撫茲土下車之日見黔土之瘠以

貴州通志
二
荒黥民之貧以僻幾忘寢處焉於是播其規條
躬行倡率旌廉懲貪詰奸禁暴講

聖諭箴

文廟興義學行鄉飲酒禮修廢舉墜不遺餘力又念

黔志未備文獻無徵乃購遺書詢故老退食篝

燈親加考定有典有則憂乎大觀已梓蕃於校

正黥畫之下伏而讀之喟然曰是書也其即公

治黔之本末次第乎夫善為政者因天之時察

地之利通人之紀而已矣是故占星候氣考驗

災祥非具文也勞民勸相之術於是乎在而且

以觀政事之得失山川城郭厥惟其舊而設險
固圍道準諸此復隍衣衾之戒其敢忽諸由是
田賦戶口之登耗兵防驛務之脩否職官學校
選舉之盛衰名宦人物孝義節烈之多寡繫於
上人之風厲者其道安在是編也朝於斯夕於
斯鼓舞精神講求勿倦以仰報

聖天子簡昇之感心而使域中方外嬉遊化日大夫
君子咏歌太平詎不盛興剗剗將半適

總制范公所輯滇志告成頒示屬寮維時方伯董
公觀察丹公顧祚蕃而言曰滇黔天下之極邊

也去

京師萬里地之廣狹不甚相遠苗民之雜處同經兵
燹之流離同

兩臺不忽其所易而圖其所難又同七年而後竣
者要其成也下車即從事於此者謀其始也職
思其居循名責實吾曹敢不勉旃非蕃弁鄙無
識惟芻糧郵傳之是守無能仰贊謨猷惟粗舉
為治之本末次第以發明輯是編者之意於萬
一或者其有當乎敬援筆而述其說

皇清康熙三十一年歲次壬申孟冬月穀旦

督理貴州通省清軍糧驛事務兼分守貴東道
布政使司叅政陸祚蕃謹序



重修貴州通志序

志者史之餘也黔者吳越齊魯秦晉楚蜀之餘也衣餘曰裔匪裔不飭器餘曰羨匪羨不完楊升庵先生言之矣由是觀之匪黔志則史不飭不完而諸國之志亦不可云備黔志可小乎哉大中丞衛公甫下車已饑已溺務在衽席斯民先申庠序之教培士氣行鄉飲酒禮咨訪諸利弊次第頒行一時典章彬彬盛已更慮茲疆疊經兵燹文獻殘缺輶軒采風靡所考證於是延英分局潤色鴻文葺通志三十六卷十閱月而告

竣噫厥功偉矣章志因竊有感焉天下之事積

久則玩玩則必敝敝則朽往往然也懲其玩治
其敝易其朽而維新之非其人不為功昔念所
青螺兩先生一志成於丁酉一志成於己卯炳
炳烺烺聿稱大觀今五十載來風移世變由搶
攘而迄底定自樸畧而躋文明我

朝車書大一統弘綱小紀典禮文物弗為大書特書
豈所以鋪鴻藻信景鑠歟乃蒐斷簡於藝林採
遺聞於故老直接江郭之新而快覩聲明之萃

者其人同也夫以黔土之荒民之瘠椎鬻鑿齒

馴稜不常而山川之所以扼其要城池之所以
峻其防建置沿革之所以通其變兵制則思所
以整戶口則思所以贏田賦則思所以闢風俗
則思所以淳職官則思所以恪我公按籍而實
心布之比於播滅黎戡之績其事同也不寧惟
是天官之志鬼柳誰分職方之圖楚蜀交錯迨
夫名賢廉吏烈女貞夫姓氏雖傳儀型漸遠他
如鉅公政事之書駮客登臨之句行且等於荒
烟蔓草若存若亡而公之精神學問直包羅於
數百年之前後訂其疑而晰其奧顯其微而表

其幽上繫

朝廷之德禮政刑下繫此邦之人心風俗其輕重緩急為何如是書之成黔之福也百執事之幸也小子不敏濫等學政鯁鯁素餐是懼賴公之書告成而得以其名附於簡末匪曰揚扆休光而已知公之所以治黔者業已標其梗概而國家集虎觀石渠諸彥修一統志以傳萬億載必待斯編而後完且飭也於是乎書

皇清康熙三十一年歲次壬申孟冬月穀旦
提督貴州通省學政按察使司僉事華章志撰

貴州通志

凡例

一貴州志修於明者散佚無存惟撫臣郭子章黔
記猶可考見又多殘缺且止于萬曆三十四年
至

本朝康熙十二年重修原板旋經兵燬雖有抄本亦
缺畧亦備今再加蒐採細為考訂始成完書

一志之綱目舊俱照河南體例今稍有增減亦在
所必紀者為綱三十類之相從者附見分卷三
十有七其篇章多寡一以事之繁簡為定

一輿圖職方所係舊志殊為簡畧今詳加訂正增以圖說務使開卷瞭如指掌

一星野占驗不同先後異說今照天官諸書考其可信者從之俾無差謬

一建置沿革在明萬曆前者稍加改正後俱照新制更補以成畫一

一志體原無大事而大事之記作自郭子章則以一隅雖小其間用入行政治亂得失俱不可以無紀也故仍之但其中事實有分見各類者未免重複今悉裁之其續補者或訪諸故老或考

之見在皆不敢滋臆而失實

一山川在黔尤為叢雜其間靈秀者不少除舊志外於郡邑志中更為搜採其舊註之鄙俚寥落者重加潤色其郡縣混淆者悉為分別覺較前犁然可觀

一田賦舊額新墾先後畧有不同悉照全書開載但舊有府總無州縣細數今一一詳明以便稽考唯戶口歷經變亂難以遽編亦照全書開載一驛遞舊止載驛站未開工食馬匹經費數目今悉補入

一職官文自州縣以上武自副將以上有地方之責者方錄所以昭職守也

一名官人物非實有功德於民及嘉言懿行昭著耳目者不敢濫入其間有前志遺落並郡縣新報者悉為增補

一孝義貞烈事關風化除舊志所載外雖有新報事蹟可考非有卓越之行者仍存郡志不敢濫登以志慎也

一學校造士之本而

廟廡尤重故詳記其廢興改併然庠序雖設而禮

樂未備亦非所以肅祭典今採孔廟樂儀附於後以為興起教化之一助

一土司蠻苗黔患之最鉅者不得不詳著其情形以~~示~~控馭之方畧

一災祥舊附入大事記內今摘出另編

一藝文元宋以前所存無幾自明以後美不勝收唯譯其有關政要切景物言辭雅馴者方入不敢以魚目混明珠災梨棗也

一舊志刊本無傳僅存抄本舛謬為甚今重加考訂點畫必詳庶免魯魚亥豕之訛

修志姓氏

鑒定

總督雲南貴州等處地方軍務兼理糧餉兵部侍郎兼都察院右副都御史加三級 范承勳

總裁

巡撫貴州兼理湖北川東等處地方提督軍務都察院右副都御史 衛既濟

提調

貴州等處承宣布政使司布政使加三級 董安國

監修

貴州等處提刑按察使司按察使 丹達禮

督理貴州通省清軍糧驛道事務分守貴東道布政使司叅政 陸祚蕃

提督貴州通省學政按察司僉事華章志

分巡西道管貴寧平大黔威等府兼轄各衛司堡川鎮雄萬蒙東川等處副使張奇抱

協修

貴陽府知府加一級時騰蛟

貴陽府同知李遙毅

安順府知府顏光猷

安順府通判衛執躬

平越府知府劉載寧

都勻府知府李文遠

鎮遠府知府李予之

思南府知府劉謙吉

石阡府知府汪之濤

思州府知府張聖佐

銅仁府知府卞三公

叅平府知府張湫

威寧府知府加一級宋起

威寧府通判章昭

彙輯

貴陽府定番州知州薛載德

貴陽府廣順州知州劉元軾

貴陽府開州知州王永烈

貴陽府新貴縣知縣陳開芳

貴陽府貴筑縣知縣吳道煥

貴陽府龍里縣知縣許之昇

貴陽府貴定縣知縣蔣玳

貴陽府修文縣知縣王龍翔

安順府鎮寧州知州曹雲鵬

安順府永寧州知州白岳

安順府普安州知州吳成龍

安順府普定縣知縣汪世聯

安順府清鎮縣知縣梁棟

安順府安平縣知縣黃亮

安順府安南縣知縣張文旂

安順府普安縣知縣鄧志福

平越府黃平州知州徐德武

平越府平越縣知縣王顯奇

平越府甯安縣知縣王景升

平越府湄潭縣知縣林起元

平越府餘慶縣知縣張大典

都勻府麻哈州知州朱前詒

都勻府獨山州知州陳如升

都勻府都勻縣知縣李廣

都勻府清平縣知縣許國幹

鎮遠府鎮遠縣知縣汪煜

鎮遠府施秉縣知縣李泓

思南府安化縣知縣姚夔

思南府婺川縣知縣周鏞

思南府印江縣知縣郎象乾

石阡府龍泉縣知縣呂應璜

銅仁府銅仁縣知縣王希舜

黎平府永從縣知縣梁敬祖

威寧府平遠州知州劉淳

威寧府黔西州知州黃秉中

威寧府大定州知州陳嘉采

威寧府永寧縣知縣加一級韓稷

威寧府畢節縣知縣方瑞合

總訂

貴陽府舉人吳中蕃

貴陽府舉人李祺

分編

鎮遠府儒學教授劉子章

貴陽府舉人周起渭

威寧府永寧縣儒學訓導鄒延聖

貴陽府遼選貢生劉湯聘

貴陽府儒學學生黃嘉穀

貴陽府新貴縣儒學學生劉遠譽

繪圖

貴陽府儒學學生員方策

督梓

布政司經歷王始禹

布

政

司

照

磨趙士元

Table with 10 columns and 10 rows of faint text.

貴州通志

目錄

總頁次

卷一

一

輿圖

卷二

四一

星野

卷三

四八

建置沿革

卷四

七七

貴州通志

疆域 形勝附

卷五

九五

大事紀

卷六

一七五

山川 關梁附

卷七

二四一

風俗 氣候附

卷八

二四六

城池 郵傳附

卷九

兵防

二六一

卷十

戶口

二六八

卷十一

田賦

三〇〇

卷十二

物產

四三〇

卷十三

四三五

職官

卷十四

五五五

公署

卷十五

五六二

學校

貢院
祭儀附

書院

義學

卷十六

六〇一

選舉

卷十七

六七二

名宦

卷十八

七二三

卷十九

七六二

卷二十

七七一

卷二十一

七八〇

卷二十二

八一一

列女

八二八

勇烈

八三〇

孝義

八三三

貴州通志

目錄

貴州通志
卷二十三
流寓

卷二十三

八一八

隱逸

卷二十四

八二二

仙釋

卷二十五

八二八

方伎

卷二十六

八三〇

祠祀 寺觀附

八三三

卷二十七

八四一

丘墓

一五八

卷二十八

八四四

古蹟

亭館附

一五六

卷二十九

八五二

災祥

一〇五

卷三十

八六〇

土司

蠻獠

黔苗叛服始末

一〇八

卷三十一

九五七

藝文

書勅

贊論

箴疏

銘狀

頌

卷三十二

一〇一八

藝文

詩

賦

卷三十三

一〇九九

藝文

論傳

志解

畧考

問答

卷三十四

一一三六

藝文

序引

跋紀

記

卷三十五

一一九七

藝文

碑記

八三一

卷三十六

一二五六

藝文

檄文議
公移示

卷三十七

一二七〇

雜記

狗
子
大
長

狗
子
大
長

狗
子
大
長

狗
子
大
長

1.1444

1.1444

1.1444

貴州通志卷之第一

輿圖

周禮大司徒掌天下地土之圖周知九州地域廣
輪之數蓋王者體國經野之道於是乎在詎細故
歟歟自漢始通中國圖志無徵今

天子同文之治式於九圍增置郡縣幾埒內地職方
氏之掌其可缺焉弗備乎分疆畫壤繪而為圖庶
幾幅員之廣狹山川之險易井邑郊圻之星羅碁
布瞭如觀火覩阨塞而勤安壤則又在慎固封守
者矣作輿圖志

總

北至四川四運義府



東至湖廣長州府界五百四十里

南至廣西泗州城

卷之二

九

圖

界一百五十五里

四川遵義府界



界二百二十里

西至雲南曲靖府界五百五十里

興圖

卷之第一

總輿圖說

貴州雖列職方其先固西南荒徼也莊躋之畧地
有同假道唐蒙之持節大類鑿空即其後或兼隸
或分隸享王日至名位漸加要亦霸縻勿絕而已
至於明而符竹始分迨我

朝而規制乃備自貴陽而上若安順若威寧為府者
三自貴陽而下若平越若都勻若鎮遠若思南若
石阡若思州若銅仁若黎平為府者八所轄州屬
十有二縣二十有六袞然與十五國同封而並治
遂為西南一都會焉於稽其地銅巖澗溪阻其東

赤虺嶙山控其西盤江關嶺扼其南西望烏江限
其北懸車束馬碎踝穿蹄一以為太行一以為孟
門行路之難稱天險矣然險可用不可恃可用者
一夫守之千人自廢也不可恃者廩無隔歲之儲
帑無宿貯之金也幅帙非不寥廓要皆割截補湊
而後成崇岡沓嶂蟠互而爭雄卉服椎鬣偏處而
肆暴非無水也舟楫魚鹽之利不聞非無土也金
錫絲枲之饒不與田多石而草易宅民屢屠而戶
久周城郭雖在百堵猶未盡興學校雖修絃誦猶
未盡溥備多則兵防難撤道衝則驛遞難弛喜則

人而怒則獸官司之法有時不得行春苦旱而秋
苦霖補助之術有所不及濟是以延袤雖千有餘
里實不及中州一大縣錙銖絲粟曾無裨於上供
歲糜金錢數十萬亦何賴有此黔哉然而地有所
必爭昔人欲棄之而不可則以其肘腋咽喉乎四
省也議者欲東割沅靖西割思田北割遵義以益
之究亦同於畫餅比者裁衛併府又取偏鎮二衛
歸於黔事權一而統制專披圖啓籙漸有可觀矣

貴 會

州 之

省 圖






陽 貴

北至四川運義府

江



東至江蘇界一百一十里

南至廣西泗州

府圖


界一百五十五里

一

貴州通志 輿圖

西至安順府清鎮縣界三十里

卷之第一



界二百二十里

順安

州遠平至北



東至青陽府一百四十里

城泗西廣至南

府圖

界十五里



州界一百里

西至雲南曲靖府南寧縣界四百里

貴州通志 輿圖

卷之二十一

越平

川發府南恩至北



東三鎮遠府施秉縣界一百五十里

卷之九

七

七

都府勾都至南

府圖

縣界三百六十六里



句縣界六十六里

西至貴陽府開州界一百六十里

輿圖

都 勻

北至平越府



南至廣西南丹州

東至生苗大肚坡界七十里

府圖

越縣界一百里



三百五十五里

西至貴陽府貴定縣界一百二十里

輿圖

遠鎮

北至銅仁府界



東至湖廣清浪衛界八十里

南至生苗三木

府圖

里十八百一



里十六界孔


貴州通志 輿圖

卷之第一

西至平越府黃平州界九十里

思南

北至四川彭水



東至銅仁界一百里

南至石阡府

貴州通志

卷之六十一

府圖

縣界五百里

西至四川遵義府界一百里




貴州通志 輿圖

卷之...

石 阡

北至思恩府南



南至鎮遠府

東至銅仁界八十里

府圖

界十五里

下通恩南

興寧城

石門峽

萬山

石門府

石門

上江樓

松坡關

界一十五里

西至四川遵義府界三百六十里

輿圖

恩州

北至銅仁府界



南至熱平府

東至湖廣沅州界九十里

貴州通志

卷之第一

三

府圖

一百二十里



界三百里

西至鎮遠府界一百里

貴州通志 輿圖

卷之第一

十三

銅仁

北至湖廣辰州



東至思州府界二十里

南至思州府界

府圖

府界二百里



西至四川西陽司界一百二十里

輿圖

卷之二

五

平 黎

術 鼓 銅 廣 湖 至 北



道 通 廣 湖 至 南

東至湖廣靖州界二百一十里

平黎

卷之二

府圖

界一百五十五里



縣三界三百里

西至古州司界一百八十里

寧威

北至四川鎮雄土



東至四川界三百七十里

南至貴州陽府

府圖

府界一百九十里



新貴縣界二百八十里

西至四川東川土府界二百一十五里

閩梅公曰余向讀括地志及註於九州地理條分
縷析無遺矣獨黔中郡謂交互難辨蓋晉永嘉以
後沒於諸獠至後周復設故曰秦之黔中非唐之
黔中也及明分省規模始立今者車書一統不率
如苗皆革面滌心於是改土為流易衛為縣與十
四國並列則覩斯輿圖寧不赫然於聲教之盛哉

